

17.25 CUNTRASTS SIN SRF 1

«I Did It My Way»

Arturo Casanova e sia vita per la buna luna.



Atgnamain è Arthur Casanova da Trun daventà musicist mo per casualitat: ses frar aveva survegnì da mat ina ghitarra sco regal da Nadal. Ma sunar na sunava el mai. Uschia ha Arthur adoptà la ghitarra ed ha cumenzà a sunar già durant ses temp d'emprendissadi a Cuira. Oz è el enconuschten en l'entira Svizra sco Arturo Casanova, ha produci già ils onns 60 duas plattas fonograficas cun chanzuns rumantschas ed ha fundà in'agentura ed ina scola da musica. Sia finamira da pudair viver da la musica ha el pudi realisar. Oz ha Arturo Casanova 77 onns, è dentant anc fitg bain en gamba e va anc adina regularmain a giugar a ballape. Grazia a sia condizioni po el sunar anc oz 12 uras senza pausas pli grondas. Beat Manetsch ha accumpagnà el al tschaiver da Domat durant ina da quellas notgs lungas.